

史外

三

史外卷七

劉侍郎傳（附尹伸）

事類翁子
而人品涇

公諱之綸字元誠號與鷗宜賓人家世務農少從父兄力
田間刈薪樵賣以讀書補諸生時方負薪入市聞報鬻其
薪始歸淡於榮名亦天性也然期許夔絕銘座右曰必爲
聖人里中亦卽以劉聖人呼之崇禎元年進士官庶吉士
是時丁熹宗蘊毒之後中原禍亂已兆而邊陲屢警在廷
諸臣狙承平餘習從容坐嘯以飲博爲放達書畫聲伎爲
風雅莫適勤念兵事公與同官金公聲則獨留意究切而

又總情事
作一提

造爲單輪火車偏廂車獸車剡木爲西洋大小礮期以備
疆場緩急之用僧申甫亦習車戰過從講求三人者相善
也明年冬京師戒嚴上因金公薦公及甫召對稱旨授甫
京營副總兵公兵部右侍郎督守城事當是時天子念國
事孔棘思不次用人收萬一效舉錯頗與廷議拂而甫以
白衣驟用公新進躋卿貳咸於是側目滿桂者大同總兵
宿將有威望大兵薄都城提萬騎入援戰沒甫全軍亦
覆朝野氣奪公奮臂大呼曰此臣子效命之秋也請行無
兵則請京營兵不許則請關外川兵不許則議召募軍資

無一具公權宜貸之抵通州守者不納雨雪宿古廟中公
驟貴廷臣多抑之御史董羽宸劾其行畱公曰小人意思
有事則委卸無事則議論止從一侍郎起見耳乞削臣今
官賜骸骨不許奏軍機七上不報乃與總兵馬世龍吳自
勉約由薊赴永平牽之無動而自率八路進攻遵化旣由
石門至白草頂距遵化八里孃孃山而營世龍等不赴約
大兵驅三萬騎望見山上軍縱擊之公發礮礮反裂營
中自亂左右請結陣徐退爲後圖公叱曰毋多言吾受國
恩誓死封疆顧所請無一應而將帥又不用命如國事何

嚴鼓再戰自午至酉士殊死鬪矢石俱竭人持短刀夾公馬而前流矢四集公度不可爲解所佩印付家人持歸報天子一矢貫其首又一矢中膝遂仆而死一軍皆哭按營野戰皆死之初正月元日有黑氣起東北亘西方甫見之大驚趨語公與金公曰天變如此公知之乎今年當喋血京城下可畏也聞者皆笑已而果驗眾於是默然公旣死天子嘉其忠從優卹贈兵部尙書廷臣斬之金公嚙出其顱箭爲之棺歛贍其母以歸騰書當路厚卹其家而乞譚元春傳其事後公十五年金公亦抗節死尹公伸者字子

求亦宜賓人萬厯戊戌進士厯官河南左布政使解官歸
張獻忠破敘州執至成都嚙齒大罵遂被殺性直如絃有
觸必發所至與長吏忤以孤峭見擯與人交有始終分張
決別死生收卹婉篤周詳皆出人意表劉太僕時俊同年
契合坐通賊被逮獄急不知所爲尹公時家居抗疏明其
寃時俊得免慷慨持大義皆此類也

汪有典曰嗚呼朋友道喪未有不相背負者矣司馬子長
傳管晏而惓惓於知己豈得已哉韓退之謂平居酒食游
戲真若可信臨利害落陷井則擠之又下石而有取於子

厚之以柳易播且謂子厚之歸葬賴裴行立功嗟乎世遂
無斯人乎而鄭重言之也棠棣之詩曰雖有兄弟不如友
生甚兄弟也每有良朋況也永嘆重朋友也

張叅政傳

公諱春字泰字同州人萬厯二十八年舉於鄉厯刑部主事勵掾行善設兵天啟二年遼東西盡失廷議急邊才擢山東僉事永平燕建二路兵備道時大軍屯山海關永平爲孔道士馬絡繹關外難民雲集公運籌有方事就理而民不病累轉副使叅政仍故官七年哈刺慎部長汪燒餅者擁眾窺桃林口公督守將擒三人燒餅叩關願受罰公責數之誓不敢叛崇禎元年改關內道兵部尙書王在晉惑浮言劾公妄殺人遂削籍下法司治久之乃釋三年正

月永平失守起永平兵備叅議公言永平統五縣一州今郡城及灤州遷安并失昌黎樂亭撫寧又關內道所轄臣寄迹無所當駐何城臣以兵備名官而實無一兵操空拳入虎穴安能濟事乞於赴援大將中敕一人與臣同事臣亦招舊日義勇率之自效臣身已許此城不敢少規避但必求實濟封疆此臣區區之忠所以報聖明而盡臣職也因言兵事不可預洩乞賜陛見面陳方畧帝許之旣入對帝數稱善進叅政已而偕諸將收復永平諸城論功加太僕少卿仍蒞兵備事候巡撫缺推用時乙榜起家多授節

鉞而公獨需後命以無援於朝也永平當兵燹之餘閭閻
困敝公盡心撫卹人益懷之四年八月大兵圍大淩河
新城命公監總兵吳襄宋偉軍馳救九月二十四日渡小
淩河越三日次長山距城十五里大兵以二萬騎來逆
戰兩軍交鋒火器競發聲震天地公營被衝諸軍遂敗襄
先走公復收潰衆立營時風起黑雲見公命縱火風順火
熾天忽雨反風士卒焚死甚衆頃之雨霽兩軍復鏖戰偉
力不支亦走公及叅將張洪謨楊華徵遊擊薛大湖等三
十三人俱被執部卒死者無算諸人見我

太宗文皇帝皆行臣禮公獨植立不跪至晚遣使賜以珍饌公曰忠臣不事二君禮也我若貪生亦安用我遂不食越三日復以酒饌賜之仍不食守者懇勸惑

太宗文皇帝恩始一食令薙髮不從居古廟服故衣冠迄不失臣節而死初襄等敗書聞以公守志不屈遙遷右副都御史卹其家公妻翟聞之慟哭六日不食死誠意伯劉孔昭劾公降敵不忠繫二子死於獄

汪有典曰嗚呼公抒忠勝國抗命

興朝我

太宗文皇帝釋而加禮洪量同天地大義懸日月扶植名教俾遂志成仁者得垂諸彤管煥若丹青不亦休乎有典嘗見客窻涉筆云公被執見

太宗皇帝不屈眾欲殺之

上不欲偕至闕廷高其忠義命旂下從公學公亦不辭教以道義咸敬事之稱張夫子坐必南向終不薙髮

上曲從之語臣下曰真忠義人也當學之及卒

上深歎息旂下學者以楮奠之曰不敢有污清德定鼎後世祖章皇帝入御燕都語侍臣曰卿等昔日亦知有張夫

子乎南國有此一人乃無有識之者耶因得悉其行事視
夫式閭封墓彌有光焉自非

大聖人爲之崇獎揄揚幾何不爲逆亂之劉孔昭所非毀
而掩蔽乎嗚呼此明之所以亡而

聖朝之所以興也歟

費刺史傳（附陸夢龍）

公諱彥芳字爾英號華陽石門人萬厯癸卯舉人授江西
上高令公自以乙榜起家思以治行自奮而不善爲逢迎
結納之術居數年無異聲旋以漕事詿議謫江西按察司
經歷有門人秉銓政者勸公通委曲可亟復且得美地笑
不應崇禎五年起補陝西平涼之隆德秦地自延綏寇亂
蹂躪無完土武臣莫肯用命失機則以賄免守土者率望
風解竄營救樞要天子亦以武備久弊罪不在小臣也而
寬之多得不死於是行間不戰郡縣不守賊亦橫行無所

提案

國勢賊情
每篇提掇
疑于犯複
不知要害
所關正自
不容放過
只爭用筆
繁簡便令
篇陣不同
耳

阻是年春秦將曹文詔楊嘉謨等始屢戰而勝有西濠虎
兕隴州諸捷賊黨可天飛獨行狼不沾泥混天猴紅軍友
等相繼擒斬秦中得少休息公至治急招流亡繕城郭勸
農設賑民賴以安然秦寇在楚蜀者日復充斥乃以延撫
陳奇瑜總督五省檄諸軍追賊賊盡竄入漢興山谷間不
得出行賂乞降奇瑜狃於諸捷輕賊不足平旦冀大功之
速成也許而縱之賊遂四出浸尋及於平涼公聞報急募
兵未集而防守把總王珍先遁賊破靜寧州閏八月二十
九日以城無兵衛遂陷賊執公求金掠其署大失望詔曰

入陸公事
作一小傳

窮如是其好官耶釋不殺先是公遣僕丸書求救於固原
道陸公夢龍陸公公鄉舉同年字君啟會稽人萬厯二十
八年進士授刑部主事張差獄起郎中胡士相頗有所左
右將訊眾咸囁嚅陸公呼刑具三無應者擊案大呼始具
差供逆謀人一無所隱士相主筆躊躇不敢下陸公拂然
曰陸員外不敢匿誰敢匿獄乃具其剛直如此陸公得公
書卽報公堅守旦日親率兵至劄爲賊所得賊卽分騎設
覆於六盤山陸公率遊擊賀奇勲都司石崇德至陷伏中
賊矢石如雨突圍不得出二將相抱泣陸公揮之曰何作

此婦孺態大呼奮擊手殺數人與二將俱戰死賊返城遂
害公公挺立受刃腰領皆穿穴以死事聞王珍懼罪賄中
樞求脫反譖公城守謀疎及再覆核乃得公死狀贈公靜
寧知州陸公太僕卿而逃將獨得不誅

汪有典曰嗚呼公之殉難而卹典未優論者頗以爲憾謂
公不成進士不爲黨人受迂拙之累故至此夫進士爲黨
人禍延君父公豈爲之哉公沒之後黨人之勢益橫京師
之變開門者樞臣也而曰舉義投名授職賊敗乃死也而
曰殉節勸進賊庭歸伏誅也而曰黨誣飛頭易面欺天罔